

РЈЕШЕЊЕ

**О ДОДЈЕЛИ ДИЈЕЛА СРЕДСТАВА ТРАЈНОГ
REVOLVING FONDA KOD UNION BANKE D.D.
SARAJEVO FEDERALNOG MINISTARSTVA ENERGIJE,
RUDARSTVA I INDUSTRIJE ZA DUGOROČNO
FINANSIRANJE PROJEKATA PUTEM DODJELE
KREDITA ZA 2019. GODINU PRIVREDNOM DRUŠTVU
NEVISTIĆ-COMMERCE D.O.O. EXPORT-IMPORT
TOMISLAVGRAD U IZNOSU OD 500.000,00 KM**

I

Ovim Rješenjem, u skladu sa Programom utroška sredstava Trajnog revolving fonda kod Union banke d.d. Sarajevo Federalnog ministarstva energije, rudarstva i industrije za dugoročno finansiranje projekata putem dodjele kredita za 2019. godinu ("Službene novine Federacije BiH", broj 25/19), utvrđuje se dodjela dijela sredstava, privrednom društvu NEVISTIĆ-COMMERCE d.o.o. Export-Import Tomislavgrad, Kolo bb, JIB 4281037430009, iz sektora prerađivačke industrije, u iznosu od 500.000,00 KM. Navedena sredstva su kreditnog karaktera, sa rokom otplate 60 mjeseci, sa grace periodom od 12 mjeseci, kamatnom stopom od 0,7% na godišnjem nivou i biće utrošena za refinansiranje dijela nabavke stalnih sredstava - opreme i to: linija za proizvodnju armaturnog željeza prema ponudama broj 20/2019 i 33/2019 dobavljača ROTOR-KALMAR d.o.o. Senta, Srbija, u ukupnom iznosu 169.948,00 KM, teretno vozilo ACTROS (dva komada) prema fakturama broj: 190231-60 i 190231-61 dobavljača Autolijanović d.o.o. Mostar u iznosu od 383.994,00 KM.

Ponudeni kolateral za obezbjeđenje kreditnih sredstava je:

A)1. Nekretnina upisana u ZK uložak broj 892 K.O. TOMISLAVGRAD kao:

- broj parcele 1647; u naravi BARA; Stambeno-poslovna zgrada površine 454 m² DVORIŠTE 390 m², ukupne površine 844 m².

U B-vlasničkom listu upisano je vlasništvo u korist fizičkog lica Nevistić (Nikolin) Mario sa udjelom 1/1.

U C - teretnom listu nema upisanih tereta.

Procjena nekretnine opisane pod tačkom A)1 sačinjena je 23.12.2019. godine od strane sudskog vještaka dipl. ing. arh. Antunović Zdenka i iznosi 1.164.000,00 KM.

Na gore navedenim nekretninama založno pravo će se upisati u korist Federalnog ministarstva energije, rudarstva i industrije (u daljem tekstu: Ministarstvo).

Obzirom da je namjena kredita nabavka i pokretnih stvari, potrebno je da se iste založe kao dodatni kolateral, bez obzira na ostale vrste kolaterala.

Bjanko mjenice, sa ovlaštenjima za popunu istih pravnog lica NEVISTIĆ-COMMERCE d.o.o. Export-Import Tomislavgrad (18 kom), vlastite mjenice sa ovlaštenjima za popunu istih vlasnika/suodnosnika pravnog lica - Nevistić Zoro (1 kom), polica osiguranja nekretnina od standardnih rizika osiguravajućeg društva vinkulirana u korist Ministarstva za cijelo vrijeme trajanja otplate kredita.

Svi instrumenti osiguranja iz ovog člana bit će deponovani kod Komisionara/Union banke d.d. Sarajevo (u daljem tekstu: Banka), a kopije istih bit će dostavljene Ministarstvu uz potvrdu da su originali deponovani kod Banke.

II

Sredstva iz tačke I ovog Rješenja, utvrđena su Odlukom Vlade Federacije Bosne i Hercegovine o davanju saglasnosti Federalnom ministarstvu energije, rudarstva i industrije za uspostavu Trajnog revolving fonda kod Union banke d.d. Sarajevo za dugoročno finansiranje projekata putem dodjele kredita -Trajni revolving fond ("Službene novine Federacije BiH", br. 27/14, 91/14, 106/14, 3/15 i 24/16), a realizirati će se putem Union banke

d.d. Sarajevo. Navedena sredstva se dodjeljuju po pravilima državne pomoći male vrijednost - de minimis pravilima, u skladu sa Zakonom o sistemu državne pomoći u Bosni i Hercegovini ("Službeni glasnik BiH", broj 10/12), odnosno Uredbi o namjeni, kriterijima i uslovima za dodjelu državne pomoći u Federaciji Bosne i Hercegovine ("Službene novine Federacije BiH", broj 27/18), po kojima se može dodijeliti državna pomoć pojedinačnom privrednom subjektu u visini do 400.000,00 KM, u bilo kom periodu u toku tri uzastopne fiskalne godine. Iznos državne pomoći dodijeljen ovim Rješenjem iznosi 71.037,21 KM (razlika između referentne kamatne stope i kamatne stope po kojoj se dodjeljuju kreditna sredstva).

III

Banka će na osnovu donesene i objavljene Odluke i Rješenja, te nakon dostavljanja potrebne dokumentacije za zasnivanje hipoteke u roku do 60 dana od dana objave Rješenja, izvršiti ugovaranje sa korisnikom kredita. U protivnom Odluka i Rješenje se stavljaju van snage.

Naknadu za obradu kreditnih zahtjeva, Banka će obračunavati i naplaćivati od korisnika kredita jednokratno u visini 0,5%. Isplata kredita će se vršiti na način utvrđen aktima Banke i u skladu sa Ugovorom o kreditu, Programom i ovim Rješenjem.

IV

U svrhu kontrole namjenskog korištenja dodijeljenih sredstava korisnik je dužan provesti dobrenu investiciju u cijelosti, te između ostalog dostaviti Ministarstvu i Banci Izvještaj o provođenju odobrene investicije sa prikazom očekivanih učinaka investicije, i to najkasnije do 6 mjeseci nakon dodjele sredstava.

V

U slučaju da se iz bilo kojeg razloga ne može postupiti po Rješenju, Banka će o istom informisati Ministarstvo.

VI

Ovo Rješenje stupa na snagu narednog dana od dana objavljivanja u "Službenim novinama Federacije BiH".

Broj 07-14-557-4/19

18. juna/lipnja 2020. godine
Mostar

Ministar
Nermin Džindić, s. r.

**ФЕДЕРАЛНО МИНИСТАРСТВО
ПОЉОПРИВРЕДЕ, ВОДОПРИВРЕДЕ
И ШУМАРСТВА**

934

На основу члана 107. став 4. Закона о водама ("Службене новине Федерације БиХ", број 70/06), федерални министар пољопривреде, водопривреде и шумарства доноси

**ПРАВИЛНИК
О ИЗМЈЕНИ И ДОПУНИ ПРАВИЛНИКА О
САДРЖАЈУ, ОБЛИКУ, УСЛОВИМА, НАЧИНУ
ИЗДАВАЊА И ЧУВАЊА ВОДНИХ АКТА**

Члан 1.

У Правилнику о садржају, облику, условима, начину издавања и чувања водних аката ("Службене новине Федерације БиХ", бр. 31/15 и 55/19), (у даљем тексту: Правилник), у члану 21. став (3) мијења се и гласи:

"(3) Надлежни орган обавезан је претходно осигурати судјеловање заинтересоване јавности, те исту упознати са обавијести која се оглашава:

а) на огласној плочи Агенције, односно кантоналног министарства;

